



国家出版基金项目
NATIONAL PUBLICATION FOUNDATION

民國史料叢刊

續編
0480

孫燕京 張研 主編

經濟·財政

京師稅務紀實（二）

大象出版社

民國史料叢刊

續編
0480

孫燕京 張研 主編
經濟·財政

京師稅務紀實(二)

京師稅務紀實（二）

畫一稅率

不以

規矩

(孟子)

不

能成

方圓

訓令通縣稅局令知杜梨木

板等件稅則未載之貨應酌量比附徵稅或按常關稅率值百抽一

二五辦理 十一年八月二十二日

案查接管卷內前據該局先後呈稱據史家口晏公廟等分卡請解釋杜梨木板舊房料及楊木烟桿工關稅率一案當經本署據情轉咨津海關請其查核見復去後茲准復開查前准貴署來咨以據通縣稅局轉據史家口分局呈稱查杜梨木板暨舊房料運往順義縣等處或當地銷售者亦爲大宗工關則例并未備載如有前項木料來局報稅可否引用京門暫訂稅則徵收事關工關則例之解釋咨請核復飭遵再查工關則例自民國初元由徐前監督呈請修訂後迄今十有餘載其中原分各口通用稅則京門暫訂稅例與例外各貨暫行稅章三種除暫行稅章各地皆得適用外其餘兩種則輕重懸殊動關出入以致遇有同一貨色或爲此例所用而彼則竟無又或此例本無而彼則反有且貨或苦無而今有物乃日異而月新倘目下發見貨物爲以上三種則例皆所不載者又應如何辦理即或按值估抽其稅率又將以值百抽幾爲標準凡此各節多屬疑問應預商一根本解決辦法以資整頓而免游移咨達查照詳核見復等因正在核辦間又准來咨以據通縣稅局轉據晏公廟分卡呈稱頃有商人來卡詢問楊木烟桿有無木稅此項煙桿稅則未有明文應如何解釋及比例徵收咨請連同前案一併解決咨復等因准此查京門稅局隸屬本關管轄時經徐前監督於重修工關稅則案內暫訂京門工關稅例表內載京門口例所有之貨即按照口例徵收若口例所無者則按部例徵收其杜梨木板等貨載在京門稅例表內

應按則徵收。惟京門稅局徵收稅項分爲三種。一徵收運京洋木。按子口收稅。七成。一運京竹木等貨。在津工關漏未完稅者。應按各口通例補徵稅項。一由各處旱路運赴京門者。應遵照口例收稅。此項杜梨木板。暨舊房料。雖係京門稅則所有之貨。亦當以運京者爲限。其運順義縣等處。與當地銷售。自應在工關徵收範圍以內。與運赴京門者不同。似未便引用京門暫訂稅則徵收稅款。至抽收稅率之標準。津關五十里內。鈔稅則照值百抽二五抽收。五十里外則按值百抽一二五抽收。各局沿用已久。商民相安。若以歲久失修。今昔不同。應商一根本解決辦法。以與時通變。固屬應有之手續。第茲事體大。良非易易。應須徵求各地局員之意見。詳加調查。參諸比較。行之各局通用。適宜。勢非一時所能猝辦。再查工關隸屬通永道所轄時。遇有稅則所無者。則比例徵稅類。如松柏木價值者。則按松柏木比例。類如紅檀木者。則按紅檀徵稅。此比例係早年沿用。卽來咨所謂類推的解釋也。京門稅局。早經劃歸貴公署管轄。此項楊木煙桿。應否沿用此等比例。本署未便懸擬。相應連同前案。一併咨復貴公署。請煩查照。酌核辦理等因。准此。合亟令知該局。嗣後凡遇工關稅則所不載之貨。如上項杜梨木板。舊房料。楊木煙桿等物。應斟酌情形。如津海關來咨所云。比附徵收。或卽按照五十里外。常關稅率。以值百抽一二五估價辦理。仰卽遵照此令。

佈告南口牛稅比照京城牛稅改徵四角 十月十二日

案查牲畜稅簡章京城牛稅徵收四角。南口牛稅則係一角一分。彼此稅章參差。原因民國六年。本署呈准改訂牛稅。每隻徵收四角。先就京城試辦。歷今實行已久。自應援案推廣。現經調查南口牛隻。過局完稅。爲數甚夥。昔年該局徵收牛稅。係用小三聯票。稅率甚輕。茲擬將南口牛稅。比照京城牛稅。改徵四角。填用四聯大票。以昭劃一。而裕稅收。業已呈奉財政部指令。照准在案。合亟佈告。仰商民人等知悉。自佈告之日起。凡販運牛隻。經過南口稅局報稅。均按每隻繳納四角。毋得繞越偷漏。致干罰究。

呈財政部擬廢除古北口各局尖牛等名稱劃一牛稅

十月二十九日

案查職署呈准南口牛稅。比照京城牛稅改徵四角。以裕稅收。業經布告施行在案。茲據南口分局局長劉鳳奎聲稱。遵令加徵牛稅。自實行後。各商多藉口古北口三道河等處稅章。有乳牛四角。尖牛二角之別。避重就輕。將繞行三道河各口通過。若不劃一各口牛稅。恐於稅收前途有碍等情。查先年京城稅章。原有尖牛乳牛使牛等名稱。民國六年。改章統稱牛稅。此次南口牛稅。實行改徵。而古北口等局。猶有尖牛乳牛名稱。且尖牛徵收二角。稅率參差。該局長所稱商人藉口繞避。亦係實在情形。惟有將牲畜稅簡章第二條規定古北口穆家峪白馬關大水峪三道河五局尖牛乳牛名稱一併廢除。統稱爲牛。徵稅四角。庶可以杜取巧之弊。所擬劃一牛稅緣由。理合呈請鈞部鑒核示遵。再大水峪牲畜稅局。係大石峪商稅局兼理。原屬同地異名。現擬將大水峪局名。改爲大石峪。以歸一致。合併聲明。

訓令東北路各局嗣後如遇則例不載各貨

應即估抽不得比附

援引徵收十一月二十八日

案照現行則例所不載之貨物。須照章估價抽收。此項辦法。刊在稅單。山來已久。乃查近來。各外口稅局。并不遵照例辦理。往往對於前項則例。所不載之貨物。輒行按照現行則例內。近似各貨。比附援引。牽扯徵收。如羅圈扁担。一律寫雜木料。茶墨晶誤爲紫英石之類。殊屬不合。嗣後該局。如再遇有似此情形之各貨。應即直書其名。按照市價。核實估抽。不得再行曲相比擬。名實乖錯。以免貨到京門。查出票貨不符。致生糾葛。除分行外。合亟令知。令到該局。仰一體遵照辦理。

通令

海陸東城
蘆溝橋南苑各稅局
各十處
四門
稽一核

頒發暫訂京門貨物估價表十二月九日

前以各局對於則例。所不載之應行估抽貨物。往往估價參差。不齊。非輕即重。曾經通令。飭將經過估抽。有案各貨。列表送署。以憑審查。核定在案。旋據各局。先後呈報前來。業由署截至本年十月底止。爲第一期。逐項審查。除有特別情形者。應即再行切實研究。另案飭遵外。至其餘各條。現已釐定就緒。亟宜油印頒發。俾便遵守。爲此合亟檢同第一期暫定京門貨物估價表。隨令併發。令到該局。仰即遵照辦理可也。

通令各稅局嗣後徵收貨物

凡則例所載者按例辦理如爲則例所無即按時價估抽并將

新貨造表報署

十三年八月二十日

案查本署所轄各稅局。對於商民人等。到局完納稅款。既係直接徵收。職責異常重要。無論何種貨物。均

應謹慎核稅。萬不可任意低昂。互有歧異。使人有所藉口。致失本官恤商便民之至意。嗣後各該稅局。經徵各種貨物。凡爲則例所載者。務各按照現行則例規定稅率辦理。如爲稅則所不載者。即按照習慣例所估之價抽收。不得前後歧異。設非稅則所載。又無習慣例可援用者。應將該項報稅貨物。由局暫存。速向市面商號詳細調查。務按現時價值。妥慎估計徵收。以免紛歧。而昭公允。但關於所徵各項新貨。應仍遵照前令。各造具估價表一份。於每星期呈報來署一次。以資查考。除分行外。合亟令仰該局一體遵照辦理可也。

訓令各稅局

稽核局

規定洋棉線頭劃一估價仰即遵照辦理八月二十日

案查洋棉兩種線頭。爲現行則例所未載。近來各局經徵此項貨物。往往估價參差。殊非整齊之道。應規定劃一辦法。俾免紛歧。嗣後各局如遇有短線頭。（此線長約一尺左右）每百斤估價洋十二元。碎亂線頭。每百斤估價四元。其抽稅手續。應即仍照向來辦法辦理。以符定章。除分行外。合亟令仰該局即便遵照。



用人標準

爲 治
之
本 在
于 得
人

訓令本署暨各局卡員司等安心供職聽候考查
十二年七月九日

本監督從政有年。歷經籌攝財賦。向來用人。決不徇私。惟其人之才能操守是視。凡辦事認真。成績良好者。決不輕於更動。惟當蒞事之始。恐各員司未能共喻此意。不免多所疑慮。用特剴切令知。自本監督就職之日起。崇文門左右翼兩署各員司暨所屬各局卡員司等。均當安心供職。認真整頓。此後願與各員司以潔己奉公四字互相勸勉。優者有獎。劣者有罰。當此財政困難。稅收吃緊之時。各該員司務各激發天良。振刷精神。矢慎矢勤。戒貪戒惰。上爲國家增稅課。下爲本署顧名譽。凡我僚屬。其共勉之。除隨時派員分別密查外。合亟令仰各員司等一體遵照毋違。

訓令各局長卡長安心供職各自奮勉
七月九日

本監督歷任京外各重要職務。所至之處。但以公務爲前提。從不輕意更動人員。業經於接見員司時明白宣布。並通令行知在案。因思各局卡長。均係由各前任監督遴選委派。但使能正己率人。著有成勞者。尤不肯輕於更換。用特再行剴切申令該局卡長等。務各安心供職。爭自奮勉。以期日起有功。本監督惟以成績之良否。定各該員之功過與去留。是以去留之權。不操之於本監督。而皆在各該局卡長之自身。自令之後。期各奮勉。勿爲始勤終惰。前廢後貪。本監督有厚望焉。

訓令各局卡員司安心辦事聽候考查不得有運動賄託行爲
七月十日

案查各稅局分卡員司。昨經通令。飭卽安心辦事。聽候考察在案。特恐各該員司未能深喻斯旨。仍生疑慮。用再剴切言之。此後各局卡員司。凡係從前委派者。務各認真辦事。不可患得患失。本監督在職一日。必以各該員成績之優劣爲進退。決不以私意爲取舍。權操自我。不假他人。各員等更不得有四出請託。金錢運動之行爲。致污辱箇人之品格。反影響於現在之地位。如有鑽營運動行賄請託者。一經查出。除立即撤差外。定行按法懲辦。決不姑寬。既屬同僚。卽係手足。愛之也深。望之也切。故不能不諄諄誥誡。特此通令各該局卡員司一體懷遵。

訓令各員司各處用人須視其是否認真辦事勿瞻徇情面七月十六日

現在國家財政困難已達極點。本署近來籌解煩煩。所徵稅收入不敷支。更宜力求撙節。必須爲事擇人。不可爲人謀事。蓋辦事不在人員之多少。全視辦事之人。是否認真。能否以良心辦事。而各局卡用人。爲之領袖者。必須格外留意。不問其親不親。但問其賢不賢。決不可因情面關係。而免強用之。不問其能否辦事。以致閉塞賢路也。其向來坐耗薪金。而不辦事之人。均須裁去。務期有一人得一人之用。我國今日之政治。卽壞在情面二字。吾輩欲改良刷新。整頓稅收。須先打破情面。願與諸僚屬共勉之。合亟通令飭知。仰卽一體遵照勿違。

訓令各局長卡長等薦用人員須負全責並隨時考察訓戒七月十八日

案查各局局長卡長等均由本監督詳慎遴選。或繼續委用。畀以領袖之任。其以下各員司有由各該局長卡長等隨時保薦者。本監督已照准委派。惟所薦用之人員。必係平時相知有素。始行呈薦。既經錄用之後。該局長等即須負完全責任。並當隨時考查。隨時訓戒。毋任稍有弊混。或其他不正行為。倘有似此情形。除將本員按照情節輕重。分別懲處外。該原保之人。亦不得辭其咎。合行通令飭知。令到該局長等。即便遵照辦理。以免將來代人受過。

訓令

翼崇

各稅局各局職員除收支員外不得

隨局長爲進退
應分成績優劣

以定去留十一月十五日

案查本署所轄各稅局。前因改爲直接徵收。其局長應負完全責任。故所屬各員司等。亦即予以自行遴員請派之權。原所以示變通。重國課也。近聞各該局中。凡遇局長更調。并不問其所屬員司之才德如何。一律隨之換易。似此非但不能久於其職。使其經驗日增。設有賢者。迫而同去。亦甚可惜。嗣後各該稅局所用職員除驗貨員職務重要。業經改爲由署遴派。收支員有司銀錢收入關係。局長應負完全責任。准仍由各該處局長自行遴員請派外。其他所有職員。不得隨局長爲進退。應各于到任後。詳審考查。其成績優良者留之。無成績可言者去之。以昭公允。而重稅收。合亟通行令知。令到該局仰即遵照辦理可也。

通令各稅局所屬員司當勤加訓飭不得瞻徇

情面代人受過

誤已誤公

十三年四月十九日